

予數年來收得地方詩文總集梁三百餘種但以

通行本為多明鑄者寥寥可屈指數

以崑山雜詠之本為明隆慶庚午一五

七年刊本一五五六年十月十五日得於北

京來薰閣可稱為其中白眉矣天

陰欲雨曉霧尤濃展閱以書頓覺

陽光上眉梢矣兩諦

長樂郡
振錄西
諸子志

崑山襍詠序

王宗

圖藏

日

首朱長文吳郡圖經續編紀事袁鄭常

臣吳郡文粹極采擇賦頌詩歌

雜文以備圖經之缺而龔立道則專錄

崑山歷代名賢詩歌為襍詠三卷

續編一卷以為邑之書而續編三軌

不可復得嘉靖中王隱若綸嘗集近

代詩歌百篇附益其後益光祿師

魯好古留言典籍又屬余博訪詞
林摠撫謠俗由晉唐以來復得詩
歌數百篇勒成二十八卷仍曰舊名
或謂立道唯取詩歌而賦頌雜文
獨非一邑之書宜並錄之如鄭氏可
也余以為不然夫詩者文章之蘊
也其言約而理冥其音永而寄遠
理冥則言喪寄遠則象遺其為體

也博而要其感人也微而深詩之時
義弘矣是故堯功缺紀盛德在人
獨操不逢貞姿未顯窮居送遠高
會宣遊逆旅羈孤讒寃遠忠不
可以盡言惡不容以終掩苟非六義
之要亦安能極其致邪至於長林
幽館秀領明湖竹洞花坊仙壇梵
宇農村漁市古冢荒祠平楚春烟

寒塘秋水丹楓落而蒼甸晚白雲
起而青嵐踈景物依人通靈激
賞懷才之士亦靡不觸景興文緣
情比事於時遭時寓感深淺不
同則有愁憂怡快怨慕懷思淫義
信滴美刺之殊而陳詩者咸於是
乎取之以觀民風察其化而懲勸端
教本古者諸侯交接鄰國必稱

詩以喻志是欲以微言相感而別
其賢不肖微盛衰也故孔子之教
弟子屢稱夫詩列有國者其可一
日而無詩乎若它文之浩蕩無統
非觀風者所采而立道之為是書
不可少也遂申其說冠諸篇首其
於涉獵未廣采擇未精將復有
俟夫來哲

隆慶庚午秋九月河間俞允文撰

崑山雜詠卷第一

長樂郡
振鐸西
歸子居

河間俞允文編次

平昌孟紹魯校正

登眺

上方

孟郊

郊字東野武康人爲詩刻深喜奇

少隱嵩山韓愈一見推重之元和

中登進士調溧陽尉稍遷試大理評

事至閩鄉暴疾卒韓愈張籍輩私謚

曰貞曜先生初父庭玠爲

崑山尉郊隨父來此作

昨日到上方
片霞封石牀
錫杖莓苔青
袈裟松栢香
晴磬無短韻
晝燈含永光
有時乞鶴還來



訪道遙場

和

王安石

安石字介甫臨川人宋神宗時為相封荆國公謚曰文皇祐中

以舒侔相水利到邑時已深夜秉燭登山閱郊祐詩一夕和竟而去

僧蹊蟠青蒼莓苔上秋牀露翰饑更清風蕩遠亦香掃石出古色洗松納空光久遊不忍還迫
迓冠蓋場

林邵

邵字才中崇寧初以朝散大夫衛尉卿為郡守官至顯謨閣直學士

山僧龐眉蒼鬢經坐禪牀層軒豁遠目靜室便異香微風僊籟響過雨晴嵐光何須向廬阜此

即真道場

傅宏

修頂摩穹蒼雲煙雜古牀僧飯鐘聲遠僊風桂子香老檜有寒操恠石多冷光俯瞰城郭人衮衮名利場

蔣璿

璿字夢錫

依崖架僧坊微雲冒經牀濶睨蒼海潮幽聆諸天香遠水瀉空碧層軒逗寒光願言寄暮齒永訣聲利場

奉陪舅丈祕書彥平主簿兄遊慧聚終日

小飲上方待月再歷妙峯諸勝處用前

人韻得二詩是日嘗微雨作

仲并并字彌性江都人天禧初為邑令好學強記每讀書一徧即終身不忘官至左朝散大夫所著有浮山集周必大為序

忘官至左朝散大夫所著有浮山集周必大為序

凭高情不淺盡日倚胡牀雲散空山雨風來古

殿香一川橫晚照重閣枕秋光欲寫無窮意詩

凡不擅場

與仲彌性同作

李衡衡字彥平自江都徙崑山少博學為文操筆立就紹興中舉進士累

遷監察御史以直言出知婺州所至號稱循良召直秘閣上書引年除秘

閣修撰致仕屏居圓明野墅絕欲清修年七十九終

盡日用登陟跣趺聊對牀巖空炫層碧草細函

幽香弔古謾秋思開樽已月光隨身有竿木作

戲且逢場

范偃按周易公軋道南歸錄公時次常州知晉陵縣右通直郎范公武相

候云公武文正公之後今歲有子登科龔明之雜詠云范公偃偃蓋公武

名也

散策欲薄暮踈鐘猶殷牀風煙函古趣巖壑生

幽香仰首逼象緯俯視眇川光向來非突兀幾

成虎豹場

李乘

乘字德載政和中為邑令

千山貯雲房瓶鉢安空牀野籟有真響天葩無世香巢鶴羽翎老睡僧眉宇光此外足憂喜勞勞榮辱場

高啓

啓字季迪長洲人至正間張士誠開府平江饒介為諮議參軍啓年

十六或薦于介介覽啓詩驚異以為上客啓不就隱吳淞江青丘洪武初以薦與修元史授翰林院編修官教功臣子弟一日上召見啓擢啓戶部侍郎以年少辭因賜金放還與太守魏觀相知甚密會觀得罪連坐死年三十有九啓身長七尺有文武才於書無所不讀詩文精采與發號稱名家所著缶鳴鳧藻集若干卷

鳴鐘警迷方枯僧兀跌牀石姿生寒稜松子落古香殿鎖山雨氣樓迎海暎光遙望蒼蒼城愁見車馬場

倪宗正

正德中為太倉州知州

天垂練一方點染入禪牀舊閣題新句枯枝作古香劔飛開石骨鏡側露湖光林麓還花草空悲歌舞場

黃雲

雲字應龍崑山人博學為古詩歌有逸氣書法顏魯公以貢士為瑞

高居臨下方尋幽憇繩牀玉井汲泉潔竹厨炊州訓導當路大官皆待以殊禮年七十卒有集若干卷行于時

黍香丹楓生野色白鳥破江光吳越興亡處俱
為麋鹿場

柴奇

奇字德美崑山人以進士為吏科給事中累遷南京兆尹有黼菴集

卷十

夜凉月一方松影在僧牀古殿鈴無語名山玉
有香林崖疑渥赧石室自生光手持貝葉書跌
坐道人場

李浙

浙被檄江西豐城人嘉靖中為蘇州倅相水至崑山留邑中數日因

登馬鞍山云王荆公亦以相水至邑登山又同為江西人事偶合公登山時嘗和張孟二詩浙為感歎迺追和焉

登山行秉燭對榻坐移牀峯頂交遠色泉心生
古香涼颺清夜氣明月迴秋光於焉肅芳軫放
神憇茲場

周倫

倫字伯明崑山人官至南京刑部尚書工書書法黃山谷趙松雪嘉

靖中卒贈太子少傅謚康僖有集若干卷

苦厭逐迷方幽棲雲卧牀森森桂樹陰冉冉蓮
花香曙霞動海色晴鳥鳴山光安得支許輩問
難臨道場

吳瑞

瑞字德微崑山人登成化乙未進士授南京吏部主事以憂去尋補

工部主事治徐洪水利有功超授本司郎中總督濟南河道以高郵湖波

濤險惡開複河四十餘里以避之民甚稱便久之以病免家居杜門與同縣黃雲周恭及郡人沈周祝允明楊循吉文徵明唐寅都穆倡和一時制作為羣士所歸年七十六終所著有西溪等集若干卷

海日出東方扶桑影在林塔鈴長舌語僧寶法珠香寺古金分界山虛王吐光游蹤吟事引淨境即詩場

俞璋

璋字朝相崑山人分隸太倉登正德辛未進士授嘉興推官尋以憂去補湖州復以憂改泉州能高行取赴部議遷雲南道御史時有妬者格沮遂出為南京大理評事竟卒于官年四十有一聞者惜之

古寺晝陰寂綠蘿覆繩牀天影下清靄松音落

空香遠樹多暮色幽泉有深光持此積喧意來訪逍遙場

上方翫月

蔣晞顏

明月自當千里共如何獨得占嬋娟祗應飛閣侵天半此外誰能近月邊

古上方

梁賁

賁字無飾蘇州倅

偶穿謝履上層巒一洗塵埃眼界寬山色不隨今古變森嚴猶覺助郊寒

登上方

陳省華

省華字善則閩中人智辨有吏幹至道初以祠部員外郎知蘇

州賜金紫遇水災省華復流民數千戶復為之掩骼詔書褒美官至左諫夫議大

四望平川獨一峯峯前瀟灑是蓮宮松聲竹韻
千年冷水色山光萬古同客到每憐樓閣異僧
言因得鬼神功縣民遙喜行春至鼓腹閑歌夕

照中

古上方

邵彪

凌雲細路險可遵稍從飛錫攀嶙峋鳥巢崔嵬
寄林莽蟻穴細碎嚴君臣展開樓閣一彈指俯
覽世界千微塵人間劫火變滅盡此地獨與湖
山新

題崑山絕頂

范周

周字無外仲淹從孫也負才不羈工詩詞能安貧自樂嘗為知州盛

章賦雙蓮元宵等詩皆見稱于時

萬疊青鴛壓巨崑四垂空闊水天分夜光晴滯
三江月春色陰歲百里雲桂子鶴驚空半落天
香僧出定中聞不將此境憑張孟三百年來屬

老文

崑丘

楊備

備天聖中為長溪令忽夢作一詩意甚異之明道初為華亭令遂家

吳中官至郎中有姑蘇百題詩

雲裏山光翠欲流當時片玉轉難求
卞和死後無人識石腹包藏不採收

新晴可喜同吳斗南登塔院

塔院在馬鞍山頂

滕繼遠

繼遠字至道

一雨浹辰外乍晴如酒醒臨溪照淨綠
陟巘到高青翠靄俯深樾黃雲迷遠垞
超然泛塵表風

袂襲泠泠

和山間壁上陳子忠詩二首

顧發

發字休文

路轉山根草木香天容水色兩茫茫
漁人風裏數聲笛飛過蘆花幽興長
風蒲水荇度清香兩兩飛鳥隨渺茫
目送征帆掠波去碧天無際暮雲長

題靈山壁

游塵野馬晶晴光僧舍無營日正長
看罷一枰天欲暮不知何處起漁榔

和陳尉嘉謀春日山行

公餘春日長停午吏已退山行步晴碧松影踏
鮮翠杖移苔點穿蜂抱花鬚墜酒琰釋春愁楸
枰醒晝睡行樂湏及時誰能六經醉

和蓋謙老遊馬鞍山

青鞋來踏馬鞍山小徑縈行便往還眺望雙明
窮掩靄登臨終日得餘閒冥搜直到風埃外逸
興徐來筆研間錢掛杖頭堪一醉歸來隨例帶
酡顏

馬鞍山寺集句

葛次仲次仲字亞卿

全吳臨巨溟皮日休青山天一隅李頎靜境林麓好

陸龜蒙勝槩凌方壺李白泓泓野泉潔韋應物暖曖煙

谷虛韋應物攀雲造禪扃韋應物躋險築幽居謝靈運

道人刺猛虎李白復來薙榛蕪杜甫咄嗟檀施開杜甫

以有此屋廬韓愈側疊萬古石李白功就豈斯湏賈島

礪砢成廣殿陸龜蒙鬼工不可圖皮日休有窮者孟

郊韓愈過此亦躊躇孟郊賦詩留巖屏李白詞律響瓊

琚錢起我訪岑寂境陸龜蒙幸與高士居韋應物時升

翠微上李白涼閣對紅蕖韋應物岸幘偃東齋韋應物

果藥雜芬敷

物韋應

上方風景清

易白居易

華敞綽有

餘易白居易

高牕瞰遠郊

物韋應

萬壑明晴初

齊

賞愛

未能去

物韋應

頽霞照桑榆

宋孝武

老僧道機熟

柳宗

元閑持貝葉書

柳宗元

秉心識本源

杜甫

高談出有

無

李茗酌待幽客

李白

頓令煩抱舒

物韋應

儒道雖

異門

孟浩然

意合不為殊

李白

抖擻垢穢衣

白居易

惟

有摩尼珠

杜甫

餘生願休止

賈島

投策謝歸塗

起錢

玉峯秋望

孫寔

片玉峯高翠欲流更窮絕頂望神州天開西北

風雲合地坼東南日月浮灌木水村烏亂下長

林樓觀鳳曾遊于今風物非疇昔萬井煙花碧

海頭

登馬鞍山

徐賁

賁字幼文吳郡人徙毘陵元末復徙吳齊門工詩與同郡高啓楊孟

載潯陽張來儀齊名尤善畫山水張士誠開闔強起不就與來儀去隱吳

興來儀居菁山賁居蜀山洪武中以薦入奉使秦冀授給事中累遷至河

南布政時大師征洮岷道經河南以賁犒勞不時下獄死有北郭集十卷

故舊相違西復東登臨偶得此時同鐘聲響落

松陰外帆影來從海氣中山鬼洞寒銷劫火石

僧龕古閉香風可憐節屆重陽近斜日秋明萬
葉紅

崑山雜詠卷第一

崑山雜詠卷第二

登眺

馬鞍山詩

此即僧應所請詩

楊維禎

維禎字廉夫諸暨人舉李黼榜進士元亡不仕寓居華亭博覽經傳詩文奇麗一時名士皆推重之仕至江西儒學提舉

大風吹落日人立玉峯頭禪將風虎伏鬼運石
羊愁地平山北顧天斷海東流飈車在何處我
欲過瀛洲

遊崑山聯句

井序

至正八年春二月十有九日崑山顧仲

瑛以書來招致余明日抵顧君所又明日命百華舫集賓客自余而次凡六人朝發至界浦出信義浦過九里菴轉金溪午泊舟駟馬橋下換輿騎入慧聚寺寺主僧然叟出肅客上神運殿見石甃壁其工天出然云此嚮禪師開山時鬼工所運也遂登玉峯峯首印脊凹狀類馬鞍故俗名馬鞍其印之石幢然立與雙蘇塗相角者又號文筆峯云東見滄海瀟瀟無岸水與天相涵北海樹中見

孤嶼隱起蒼蒼然云此虞山也泰伯之仲所居故名已而大風連石聲如大波濤衣帽掀舞痒然不可立然領客憇翠微閣呼山丁作茗供觀嚮師虎化石下山讀唐孟郊張祐宋王安石詩于東壁然作合掌禮云地由玉峯勝玉峯又因人而勝自孟張王詩後絕響久矣願吾子有繼焉余諾之西廡僧應又招憇來青閣盛出佳楮墨求詩余遂書玉峯詩諸客各和詩又復聯句用江字窄韻推

余首倡諸客以次分韻余又疊尾韻成若干句畢顧君請序且將刻石壁左方昔王逸少登烏山顧諸客語曰百年後安知王逸少與諸卿至此乎吁此羊叔氏峴山之感也今吾五六人俯仰之餘儻無紀述百年後又安知玉峯之遊有吾五六人也遂叙客曰京兆姚文奐淮海張渥吳興郊韶匡廬于立余會稽楊維禎也

二月二十日樓船下婁江破浪擊長艫楊維禎驚

颺簸高扛海峯搖古色姚子章石樹鳴悲腔躡蹠

屐齒齒張叔厚登堂鼓逢逢地險立孤柱郊九天

垂開八牕烏升海光浴于彥成鳶騫風力降番賦

夾閩賈顧仲瑛越謠雜吳唳僊樵椎結萃姚胡佛

凹眉厖婆律噴獅鼎楊琉璃照龍缸曾軒坐疊

浪郊落筆飛流淙愛此韞玉石豈曰取火砭文

脉貫琬琰顧密韻含嬰缸驅羊欲成萬楊種壁

得無雙多今文章伯張萃此禮義邦龍駒幸識

陸姚鳳雛亦知龐翠笄掉文舌顧茜衲折慢幢

敏思抽連繭雄心闢孤鏃句神躍冶劔才捷下

水艤磬聲重寡和鼎力輕群扛昆渠詩已就誰
誚隴頭瀧

登文筆峯

郭翼

翼字羲仲崑山人少從衛培學工詩尤精于易性寡合號野翁以訓導終會稽楊維禎為之傳所著有林外野言

借得登山靈運屐
輒坤眺望倚巔岼
上方日落樓臺碧
積雨春深草木寒
戰馬中原連萬國
風檣巨海隔三韓
寥寥宇宙懷今古
墮淚之碑幾度看

崑山秋望

登山真擬登廬阜
海上小山心未降
萬里神京瞻魏闕
百年身事寄婁江
巨靈勢擘青蓮掌
蓬島光連玉女牕
絕頂下臨臺殿碧
荒城煙草極吳邦

鳳凰石

天星墜為鳳疊浪耀靈景
獨立白玉岡如在赤霄頂
碯碯丹穴開傍薄翠螭竝
渾渾玉在璞庚庚金出礦
寧支織女機孰作補天餅
負負若負力擁腫或病癯
蜀圖雄八陣周象重九鼎
鯨駭昆明池蓮表泰華井
來儀欲巢閣覽德久延頸

架海功莫神沉郢恐未醒山花雜五色祥雲覆
千頃金鵲徒為瑞雨燕漫飛影鐵崖鐵作心吐
句何竒警寄語山中人詩法當造請

陪趙仲光顧仲瑛遊崑山

袁華

華字子英號耕學性穎悟讀書一
二過輒記誦不遺該洽莫比工詩
為楊維禎所推重洪武初授郡學
訓導以子被罪逮繫卒于京師

林壑秋高絕點埃畫船載酒對山開霜明遠浦
薰葭老木落空江鴻鴈來魏國王孫多麗藻華
陽真逸有僊才翠微閣下經行處重為題詩拂
紫苔

清明約友遊崑山二十四韻

易恒

恒字久成崑山泗灤人祖蓮峯先
生為宋進士有風格恒能深勵循
其家範家貧日不自給然視聲利
泊如也所居有泗園自號泗園叟

是日期而至者五人
不期而至者一人
期而不至者二人
袁校書子英余道士
復初實洪武十五年壬戌閏二月十六

日

老逢節序感流年聊復追遊媿昔賢政以漸當
修禊日也宜仍詠舞雩天人時竝值良難繼童
冠相隨亦足憐耐可襟懷重弔古何煩羽翼遠

遊僊寺因郊祐稱題勝境出關荆點染玄塵世
流光嗟百五浮圖幻界詫三千海門翠割蓬萊
股地軸蒼擎太華顛危石墮雲爭一髮瘦筇削
玉過雙肩行厨傍午開僧閣啼鳥留春近客筵
載酒斂隘猶問字挂巾蕭散類逃禪寓形宇宙
何今昔知己朋游孰後先道士步虛辭折簡校
書寫韻撫遺編采芳未許芝同茹結佩空期璧
共連谷應雄談驚鶴夢潭驚長嘯起龍眠青山
若與斯文契白日寧於我輩延造次雪盈明鏡
裏等閒霞散落花前巨靈忽負鼇頭蠢舊鬼潛

悲馬鬣遷碑蝕文章苔浸漬偶迷翁仲草芊綿
烏鳶螻蝻俱成累鍾鼎山林各自便萬井村墟
空杼柚半樓風月尚鞦韆雜英踈薄無多好新
柳纖柔有底妍畧見愁隨身外遣謾憑句就醉
中聯乘時物色從教在即事風光豈偶然躡屩
歸來清不寐筠牕細寫白雲篇

洪武庚申夏四月登玉山頂時雅上人適
遷華藏于塔院歷覽終日而返是夕宿友
人家燈前聞雨援筆有賦

呂誠

誠字敬夫崑山人博貫經史工詩
所居園圃有山林之致邑令屢聘

不就卒
老于鄉

曉出城西門蕩漾官河艇朝光散晴旭露氣擁
高迴潮上洲渚沒棹發六飛騁前岑獻奇狀心
目快引領青山如故人登陟在俄頃嗟哉二三
子憐我足力逞捨舟入蒼翠一逕林木靜陰蘚
護危棧古藤落皆井映帶列檜杉青黃熟梅杏
古師安禪處神物伏精猛山靈詭異工幻蹟一
掃屏孤塔灰劫餘傲兀立峯頂後巖古華藏稍
復毘盧境泛觀盛衰際何物得修永道人出迎
客一笑具羞茗清談竟終日毛骨灑然冷群鳥

亦知還微陽下西嶺遄歸弗成寐張燈酌南瘦
急雨何方來清聲雜蛙黽鄙言詎成章聊假管
城穎

遊馬鞍山

余燠

燠字茂本崑山人師事殷奎陳潛夫受春秋洪武初試補太學生授承教郎累遷通政司參議吏部尚書

兩春不到翠微寺載酒重過竹裏樓四海共趨
龍虎地百年今見鳳麟洲天聲隱江聲小日
氣遙連海氣浮文筆峯頭望南北五雲深處是
神州

次琦龍門遊馬鞍山

顧輝

輝字仲瑛崑山人性輕財結客豪

敏瞻雖笑語輒成篇章一時名公若

柯九思張翥李孝光于彥成琦元璞

楊維禎張羽皆主其家其書畫彞鼎

秘玩與錄館聲妓園池亭榭之盛甲

於天下元至大間再辟不就張士誠

入吳遂隱居嘉興合溪後以子元臣

恩封錢塘縣男持母喪讀釋氏書祝

熒自稱金粟道人洪武初隨其子遷

卒臨濠

馬鞍之山幽且佳回巖疊巘多僧家鷄唱推窓
看曉日海色爛爛開紅霞人言茲山出美玉一
草一木皆英華石頭嶄巖踞猛虎藤蔓犖確纏

長蛇我昔春遊春日斜山僧携酒邀相遮僊樂
雲中降窈窕天風松下吹袈裟簡師石室憇瀟
洒一籬五色薔薇花夜吹鐵笛廣公院聯詩石
鼎烹新茶君今好奇良可誇躡雲着屐追麕麇
詩成大字寫絕壁山靈衛護行人嗟歸來自駕
白牛車徐州九點元非遐下方盜賊聚如蟻視
之不啻怕河沙

馬鞍山

釋自恢

馬鞍山西勾吳東山中佳氣長鬱葱層巒起伏

積空翠芙蓉削出青天中六丁夜半石壘壁殿
閣煌煌絢金碧嚮師燕坐講大乘虎來問法作
人立天花散雨娑羅樹一聲共命雲深處我時
細讀孟郊詩興來更上龍洲墓憶昔曾同忠信
友七尺枯藤長在手數年音問隨茫然頓覺饑
懷醉如酒嗟彼習俗酣歡娛錦鞵細馬紅氍毹
畫船吹箭擗大鼓吳兒棹歌越女飲只今歌樂
難再得面頰已帶風塵色何如張宴溪上樓山
光倒浸湖光白我愛虎頭金粟子十載論交澹
如水每懷故舊參與商二老到門驚復喜我留

玉山今即歸天風泠泠吹客衣人生會合如夢
寐焉能對酒成吁噦我歌長歌若起舞山川信
美非吾土褰裳涉澗采昌陽且向山中作重午

題崑山頂新遷華嚴寺

易恒

茲山奠海堧高處宅金僊歷劫浮圖聳經時古
寺遷煙霞通一徑樓閣近諸天翠積祇園樹蒼
擎華嶽蓮巨鼇當勝地孤鷺起平川玉氣陰晴
見燈光晝夜傳空花皆是幻水月不離禪暮景
飛蓬逝餘光落日懸獨尋方外友已斷世間緣

坐久談玄理松風落塵前

登馬鞍山寺律師留題

龔詡

已過重陽尚屬秋黃花不減舊清幽高情正藉
新詩發佳景還憑美醞酬俗士謾為生死計達
人誰問古今愁慙慙老衲能知我添酒頻頻為
苦留

留題玉峯山寺庚西上人房

陳植

雲根苔磴滑崖口碧蘿垂蒼壁壓書几青山落

研池三生知業白萬劫墮塵縑重約月明夜捫
松共說詩

登崑山

項隲

馬鞍雙角挿天西晴日層崖喜一躋玉氣煖蒸
僊掌濕天光青映岳蓮迷灰飛龍柱悲神畫塵
鎖經樓失御題北郭水田登覽徧有誰造酒祝
豚蹄

登玉峯

夏原吉

原吉字維哲湘陰人洪武中以
鄉薦入太學授戶部主事累遷

本部尚書承樂初詔令往治兩浙水利能身先勞苦兵民數萬人皆樂趨又奏發粟三十萬石賑贍饑民其德量名蹟咸比之韓魏公卒贈太師謚靖忠

崑阜遙看小一拳登臨渾欲接青天神鍾二陸人材秀勢壓三吳地位偏簷溜下通僧舍井林霏近雜市塵煙幾時重着遊山屐來訪當年種玉僊

伐盡長松無好樹山中景物倍蕭然黃花禁雨荒籬下白鴈將寒到客邊列國此時求駿馬五湖何處覓歸船嬾殘自是逃禪者獨愛看雲白

晝眠

片玉峯高翠欲流更窮絕頂望神州天開西北風雲合地坼東南日月浮灌木水村鳥亂下長林樓觀鳳曾遊于今風物非疇昔萬井煙花碧海頭

遊崑山

久跋玉山岑于今始登歷風暖青欲深雨晴日未夕逍遙釋子宮盤礴老家室鳥鳴發吟情花飛表行蹟息陰林間松翫古岸下石瑩然臨清池鑒心正寂寂

沈以潛

徙名玄字以潛以字行其先汴人

琴宣德初徵入為醫士時院判蔣用

文病且死以以潛上擢為御醫入對

差我千仞鷲凌空滄海西來茂苑東勢轉江流

三里外翠分嵐影半城中巖前有洞僊家近溪

口無花釣艇通聞說幽人茅屋底捲簾相對詠

無窮

與王忠孟登玉峯共飲春風亭

龔詡

詡字大章崑山人父譽洪武初為

氏既長隱居讀書不輟尚書周忱屢

至其家諮訪時政兩薦崑江太倉教

授不就一有田三十畝力耕自給晚歲

獨與一老婢居破廬中種豆植麻歌

詠自適卒年八十餘門

山水千重復萬重少年相別老相逢春風亭下

一杯酒山色不如人意濃

忠孟余少年嬉遊伴也南北離闊五十餘

年今始遇焉

登崑山

吳寬

寬字原博長洲人自少篤學有聲

成化壬辰廷試第一授翰林院修撰

累官至侍講學士入內閣遷禮部尚

書卒贈太子太保謚文定以文章德

行負天下之望者幾三十年所著有

匏菴集若干卷

崑岡玉石未俱焚
古樹危藤帶白雲
小洞煙霞藏木客
下方簫鼓賽山君
千家比屋黃茅蓋
百里行人白路分
更上雙峯最高處
滄溟東去渺斜曛

遊馬鞍山

虞臣

臣字元凱崑山人以進士歷官兵部主事員外郎郎中四川參議卒

翠煙芳草路通幽
幾度看花醉裏遊
林鳥不鳴山更好
野峯無主水空流
春風亭畔閒歌舞
文筆峯前紀倡酬
踏遍青青尋古寺
老僧珍重煮茶留

登馬鞍山

吳瑞

雲閣供僧茗春亭
醉客觴水浮湖海
白山帶古今蒼封
壤兼吳楚衣冠接
漢唐年華日衰謝
登眺自心忙

同楊大尹名父游馬鞍山

面面芙蓉雪後開
陽和先在小蓬萊

名父名玉山為小蓬萊

萊

松含古色陪僧老
梅帶春香待客來
白壁昔

人留翰墨碧雲今日見樓臺
吾儕雅重登高賦敏捷誰如茂宰材

登馬鞍山用桑鶴溪韻

海上金鰲繫馬登倚天樓閣勢亭亭撥開寥廓
風雲翳咲入虛空紫翠層老去香山宜混俗歸
來栗里厭長醒彩霓橫跨方蓬頂引得鸞笙滿
戶庭

登秦望山

山在縣南三十里千墩浦高可
二丈許南帶海上輿地志云秦

始皇嘗登因名焉一名秦柱又會稽
秦望山甚高峻始皇東遊登此以望
祭諸山今據詩所賦疑於此
作今郡志載之故復錄云

薛據

據荆南人唐時官
至太子司議郎

南登秦望山目極大海空朝陽半蕩浴晃天

水紅谿壑爭噴薄江湖遞交通而多漁商客不
悟歲月窮振縉迎早潮弭棹候遠風余本萍汎
者乘流任西東茫茫天際帆栖泊何時同將尋
會稽蹟從此訪任公

崑山雜詠卷第二

崑山雜詠卷第三

遊覽

慧聚寺

寺在山下梁天監中吳興僧慧嚮

雷暴作有神人見前願助千工至夜風

武帝因命建寺賜今額敕張僧繇畫

龍殿柱唐大中初刺史韋奏復本寺

亭榭軒閣疊構回環凡九十餘所幾

寺燬舊有楊惠之塑天王像李後主

端平至正間再燬洪武中僧曇垂重

破山宣宗重興精舍太守韋曙

雜詠三

張祐字承吉號釣鼈叟南陽人寓居蘇州有詩名今狐楚鎮天平表祐

詩三百篇以獻為元稹所抑而李紳杜牧特禮敬祐後知南海載羅浮石筍而還祐尤長於宮詞掖庭多諷詠之大中中卒丹陽

寶殿依山險凌虛勢欲吞盡檐齊木末香砌壓

雲根遠景牕中岫孤煙竹裏村憑高聊一望歸

思隔吳門

和

王安石

峯嶺互出沒江湖相吐吞園林浮海角臺殿擁
山根百里見漁艇萬家藏水村地偏來客少幽

興祗桑門

林邵

山中多白雲雲氣歸如吞目無塵埃汗耳足清
淨根僧歸踏層徑鳥還迷孤村來過人蹟少無
客掃松門

傅宏

遠望陽城湖八九雲夢吞白雲宿殿罅青蘚埋
松根樵笛林間路漁歌寺外村避喧嗜飛閣未
若叩禪門

蔣璿

野曠吳天杳江浮楚夢吞桂香飄露葉松石兀
霜根碧薺他州樹黃蘆何處村世塵飛不到清
磬落空門

仲并

迎宵山吐月不受寸雲吞看影篩林杪移樽藉
石根參差明梵刹一二數煙村高處僧眠未携
筇試打門

李衡

天面無纖靄平川灑氣吞搯筇臨閣道拂石憇
雲根柳映山前路煙搖水北村醉歸風滿袖斜

月在蓬門

范公武

飛閣臨無地巨區平可吞高巖聳恠石老木纏
雲根人散魚蝦市帆歸葭葦村每來豁塵慮不
妨頻款門

李乘

一寺皆樓殿雖雄向此吞雲霞終日影檜栢幾
年根檻俯水煙國磬傳鷄犬村倚牕翻貝葉宴
寂屬空門

高啓

煙歛城初出潮來野欲吞危樵緣磴角倦衲憇
松根剝表藏林寺鐘聞隔岸村畫龍飛去久空
掩殿堂門

倪宗正

玉峯樓閣迴湖海半山吞落日在松頂懸泉到
竹根崖危風送雨野曠水浮村偶得神僊侶同
遊碧玉門

黃雲

胡然出孤秀長爲雲霧吞自養木石壽誰培日
月根人煙近市縣鷄犬成山村清賞得心會悟

入金僊門

柴竒

入山看白雲雲氣四時吞竹密妨泉竇巖欹出
樹根漁舟還泛泛茅屋自村村長日蒲團坐清
風爲款門

李浙

一望平湖淼狂來渴欲吞羽觴飛月下岸幘坐
松根螢火斜穿樹砧聲近出村徘徊此良夜不
忍別山門

周倫

露寒松鶴起天霽洞雲吞聽法空成夢觀心滌
意根清齋罷鐘磬遠矚盡城村地僻稀來客日
高僧閉門

吳瑞

絕頂高開寺樓臺互吐吞峯尖疑卓筆潮洶恐
浮根擾擾城中寺層層水面村倚闌瞻北極雲
路接天門

俞璋

日出照元氣泱漭湖海吞濛濛松蘿頂杳杳煙
霧根獨鳥鳴絕壁霽鐘延遠村逶迤青蓮宮白

雲初出門

慧聚寺東亭

張方平

方平字安道揚州人景祐中爲
崑山令時吳越歸國未久豪占

民田者積訟不決方平至悉廉得之
又著芻蕘論知州蔣堂上之朝拜參
知政事官至太子
太保致仕謚文定

夜色秋光共沈寥水村籬落晚煙交拄筇回就
下山路行看斜陽倚樹梢

慧聚上方

奚商衡

商衡字
元美

小橋官樹綠無央袖手東風日正長料理只今

誰到我祇宜煎茗坐僧房

慧聚寺

李堪

堪字明之吳郡志堪為長洲令
二詩吳都文粹云朱明之撰

離常熟至崑山泊慧聚寺而詩情猶
壯復為二章附於五題蓋山雞自愛
其尾亦欲以多為貴也

古寺有遠名欲游先夢生飛猿澗底嘯靈鳥雲
間鳴影密樓臺衆香繁草樹榮何年照佛火燦
燦長光明

石林高月生蘇閣踈磬鳴宿鳥夢難就定僧蒐

更清香風動花影巖瀑飛玉聲遙夜坐來短但
餘天外晴

慧聚寺

駐錫棲雲石室中樓臺一片畫屏風禪師道德
知多少不爾山神肯助工

同仲南弟遊慧聚寺

胡嶧

嶧字仲達資稟懿淳恬於榮利建
炎初調安遠尉非其好也所居有
五柳園號如村藁二十卷
其身所著如村藁二十卷

政欲相携紫翠間不堪風雨徑催還何時更上
月華閣細認真山是假山
山上下前後皆擇勝
為僧舍雲窓霧閣間

見層出不可形容繪畫吳人謂崑山真山似假山

雪後飲水慧聚寺

趙彥端

雪後山更佳冷松及修竹茫然枝上鳥伴我夢亦熟陰崖得寒乳夜半勝酒綠惜無同心人共此一杯玉

遊慧聚寺

楊則之

則之字彛老外岡人嘗學詩於西湖順老學禪于大覺璉禪師有禪外玄談叅同契

壓雲開半殿寶炬曜金幢峭峻山無對瓊瓏寺

不雙鐘聲清戀塢林影冷搖窓老媿詩魔在登臨詎易降

慧聚寺

蔡準

雪晴山色一重重因暇尋幽訪古縱神疊石基成寶殿柱圖靈品感真龍僧居漸遠林間地客枕曾聞月下鐘會得登臨便無事門前流水照青松

次韻王仲翔同遊山寺

葉椿

椿字大年

偶穿謝屐邀東陽踏破煙霞到上方遠水波平
縑素展遙山雪盡畫圖張旋生蕙葉沿幽澗未
有花枝出矮墻冉冉翠眉舒弱柳盈盈青眼綴
條桑雲菴共訪霜眉老瓦鼎初然栢子香書史
滿前真脫灑軒牕無處不清涼南枝玉蕾標容
瘦北苑雲凝氣味長滌硯探題皆白晝調琴奏
曲盡清商三分春色行將半一月生人咲不常
莫羨蒿藜承雨露自矜松栢耐冰霜利途波浪
從教險人世榮枯未可量且趁良辰恣行樂時
來衡陋自生光

素琴堂

郊喬

喬字子高一字喬年太倉人頗負
才智爲王安石所器許自幼成警

悟集

素琴之堂虛且清素琴之韻淪杳冥神閒意定
默自鳴宮商不動誰與聽堂中道人骨不俗貌
勝形端顏瑩玉我嘗見之醒心目寧必絲桐絃
斷續嗚呼靖節已死不復聞成虧相半疑昭文
阮手鍾耳相吐吞素琴之道詎可論道人道人
聽我語紛紛世俗誰師古金徽玉軫方步武虛
堂榜名無自苦

壓雲軒

張景修

景修字敏叔常州人治平間進士寓居吳中邑子朱天錫以神

童應詔景修作詩送之天錫忘取本州公據因上景修所送詩為據神宗

一見稱賞趣令應對此後景修每入對上必問朱子詩以此詩名益著官

郎至祠部卒

白雲元未高香砌等林梢側脚隨山徑低頭認

鶴巢客清茶破睡僧瘦筍供庖詩句非吾祖何

人繼孟郊此詩一作云陳省華作

和

冲邈

冲邈詩所著有翠微菴主僧也平生好為詩

礎潤葳雲族檐虛壓樹梢經常逢夜講齋不過
中庖有井龍應蟄無泥燕不巢登臨增野興四
顧盡寒郊

朱轂

行行身漸高長袖掠花梢一線道縈鳥千年居
等巢地嚴金襯步天近玉分庖撫掌棲松鶴驚
飛雪點郊

崑山雜詠卷第三

崑山雜詠卷第四

游覽

慧聚雜題 并序

李乘

僕淮西鄙人遭逢聖時自乏才智運
 奇鬻巧少露頭角以干青霄強縮銅
 章為苟祿計於此地且僕老矣平生
 榮願久矣灰心尚所好樂者石一拳
 竹數竿即眼明矣乃得慧聚峯巒奮
 峻林木回環亭閣樓殿縈山照水殘

霞駁雲一合時分菊溪蘭畹一花時
秀雖無清流激湍漁梁釣臺間或曲
池小沼蒲荷菱藻麓足風月是亦濠
濮間之趣耳何其幸耶諸僧房九十
餘所不能徧遊於所嘗到者徃徃有
詩今謹寄錄凡得二十篇謾呈諸好
事者乘初遊慧聚到翠屏軒上月華
轉上方及翠微閣日已晚矣不容他
訪乃歸

兩月寓崑山耳目厭煩開飲啄落樊中多嘖少

嬉笑歲節簿書稀慧聚富清峭願偷一日閒進
步訪殊調石臺出神功殿宇自梁詔勝境布高
低雖艱亦容造平閣翠屏軒蒼然插峯嶠滿眼
歲寒物將迎若盟要新閣亦虛明隱顯入凭眺
乾坤指顧間孫登亦長嘯迤邐上月華老碧倚
煙輿夜半誰有力負鼇簇嵩少層層轉上方氷
巖隱諸妙嵌空本自然不鑿混沌竅方寸有泓
泉清澈宛秦照幾次菖蒲風爲解衆生躁別有
古道場數級下移趨石佛夢中來天手造容貌

後唐時寺僧紹明居半山彌勒閣一夕夢神人
曰簷前古桐下有石天王像與銅鐘師宜知之

詰旦掘地果獲此二物形制極古前輩嘗有於
詩云一且石像欲發見先垂景夢鳴高岡
此稍盤桓平昔恨難到欲擲下山筇儘作霧中
豹奈何苟祿身未得從吾好他日龍眠山相期
有耕釣

壓雲軒依張朝奉韻

堂閣齋軒並在
山中今俱燬

路峻山窮頂巖低木露稍半天修日觀一室分
枝巢帆去歸漁市鐘來報寺庖世間榮悴事寒
暑轉煙郊

又依朱秀才韻

金闕山頭闢一軒軒間身世兩超然塔臨靄靄

張公市簷接青青廣樂天風聒近林容虎嘯雨
腥低洞有龍眠坐看起處分明甚不羨王維到
水邊

翠微菴

嚮太師投錫之
地今有石像

勝境增添豈偶然已前無屋事金僊巨靈擘到
三千丈嚮老基來八百年遠遠別山來白足重
重峻宇出青蓮端巖石像菴猶在若箇尋菴復
坐禪

靈山講堂

佛度億萬衆山是說經所今人說猊坐亦作潮

音主何必諸比丘曾見五花雨面壁無說人家
風自一祖

月華閣

依稀瑤徑通雲隙蘚石模糊數千尺昂者如飛
俯者馳壘壘寒空翠光滴影高中逗日月輝陰
砌草靈人不識王屋壺中體淺深來者增添愛
山僻有人隱几每忘饑姓名自媿樊中客結廬
縱擬續琴歌却憶猿驚舊山側

東齋

僧道川駐錫於此

峭絕山根野水傍攔干瞰水有山房魚藏似識

秋風冷僧睡那知世路忙金磬一聲清戀竹石
磯數級碧皴霜耻壘未忍輕歸去班嗣垂綸此
興長

又依向主簿韻

鷺飛萬頃碧光中楚楚緇廬枕水窮事外有緣
三徑邃眼前無礙九霄通轉山僧過筇携雨載
月漁歸席掛風一切世間虛幻事隔堤請看數
枝紅

巖陰堂

寒筵高懸絕點埃貯藏秋色枕山隈僧眠石室

衣生霧客步莎庭蹟印苔占竹鴛雛容得老採
花蜂蝶未教來澄懷觀道如癡者兀坐忘歸忽
自吟

慧照堂

眼亦不碌碌耳亦不碌碌雲外野鳥幽霜中歲
寒綠何必面南山真理明明足客問慧照名僧
拈一枝竹

少林堂和向主簿韻

無欠無餘丈室幽鷄鳴而動悔而休利名涉處
塵塵熱香火緣中日日秋秣解結踟臨竹石懶

將义手對公侯有人來問禪宗旨告道明明百
草頭

素琴堂

僧簡公約
名此堂

長官髮已星強持牧羊箠故山荒草堂爲貧不
知耻衮衮敲朴庭纓裾漬塵滓子賤可高七
絃不離指今日到僧房陰森翠堆几數拳解噴
岍一泓麤清泚瑞草不知名芬芳勝蘭芷天籟
更自然世音亦何俚長官趣如何依稀琴在此
反思子賤琴未免尚宮徵彈與不彈間一切聊
爾耳兀坐縱無言湯湯寓流水

翠屏軒

軒對山開畫不扃山迎軒聳展如屏高低樓閣
安三寶向背峯巒倚五丁秋雨松林似水墨春
風花谷具丹青誰人坦腹來高枕笑傲羲皇任
醉醒

連雲閣

搖搖曳曳白雲輕檐外多般弄晦晴龍與去來
無定影僧將舒卷伴真情雪留瑩徹層霄在雲
散森羅萬象清試問主僧還解否毗那消息甚
分明

西齋

老後名山付卧遊宗少文事偶携謝屐此尋幽每思
南嶽嘲周子何暇東林訪惠休苔護出生蒼石
老竹供延客碧雲秋主僧不用貪行脚祇此林
間可白頭

凌峯閣

海上飛來攄馬鞍靈鼈獨坐碧孱顏幾年真宰
雕鐫就盡日高僧指顧間去市紅塵三里遠供
人青眼一軒慳半峯有窟龍為宅雲在檐頭恣
往還

夕秀軒

逍遙金地與人踈山靜風光碧有餘開築當年
看錫卓焚修今日聽星居靈芝瑞草人難識明
月清風室更虛坐久半天瓊珮響泠泠此理屬
真如

西菴

野蔓盤青上短檐客來徑草旋鋤芟禽饑聞磬
來踈砌僧飽携筇過別巖茶鼎引煙熏紙帳竹
窓漏月射經函西菴門外如何景杳杳寒涇
葉帆

壓雲軒

胡清清崑山人素貧嘗賦翠微小栢二絕有浙漕使見之大喜因厚禮清

誰構危亭壓翠微畫簷且與暮雲齊有時一片
巖隈起帶與老僧山下歸

楊則之

闌干橫礙鳥飛遲砌下危根老更奇僧在上頭
忘歲月不知山脚雨多時

邵彪

絕頂地平易軒窓風怒號半空垂象緯四面湧

波濤洞僻封苔蘚泉深冷骨毛登臨欲忘返城
市厭煩勞

夕秀軒

郭章 章字仲達崑山人工詩文嘗游太學有名聲後以守城功官至通直

卒於京師

柳暗西津橋步斜長川練練若縈蛇晚來不為
東風惡與子留連待月華

豐年亭 在山巔俗呼為大巖頭今燬

無名氏

結宇近青天飛檐壓翠巔穩同平地住高與白

雲連賓席俯農屋歌聲落釣船行人瞻望處皆
曰是豐年

疊浪軒 在華藏教院馬鞍山東北今燬

劉過 過字改之號龍洲廬陵人宋南渡後以詩俠名時陳亮陸游辛棄疾皆與為友周必大為相時嘗欲客之不就過志欲航海而友人潘文友為

崑山今因抵文友死葬馬鞍山中過嘗抗疏光宗請過官陳恢復方畧詞極剴切性喜飲酒感慨橫放一時無前

僧房矮占一山幽不見當年疊浪浮湖已為田
知幻化律更以教示精修白蓮何日來同社頑
石無時不點頭可惜能詩張孟輩却無一字此

間留

凌峯閣

冲邈

締構擁蒼岑空林一徑深嵐蒸四壁潤雲鏤半
窓陰都寂世塵影但清天籁音若教支遁買應

倍沃洲金

芝華亭

龔明之

淳熙丙申創於
古上方後今燬
明之字熙仲崑山人祖母李氏
病且革明之禱天乞減已五齡
以益母壽灼香於頂者七聞腦中有
爆裂聲不為動詰旦李病良愈竟五
年乃卒宣和三年明之以諸生貢京
師迎父母俱往亡何母與弟繼亡貧

不能歸葬乃出其家所有自一錢之
直者皆折賣之不足又乞貸於人卒
護二喪以歸既以特恩廷授高州
文學年逾八十法不應仕吳士在朝
者列奏其行義敕監潭州南嶽致仕
鄉人林振復奏明之行義超授宣教
郎仍賜緋衣銀魚時李衡以忠諫去
國年幾八十德望絕人獨兄事之
咸稱為二老生平自謂受用唯一誠
字又附益山谷省喫儉用語號五休
居士所著有中吳紀聞及
此雜詠書若干卷行世

誰道休祥係上穹民心元自與天通政平訟理

為真瑞何必金芝產梵宮

西隱

趙彦端

彦端字德莊
吳江主簿

西風數客一闌千秋色
脩然得細看
潦水倍知寒
事早夕陽更覺晚
山寬小留待
月鐘無處半
醉題詩燭未殘
憶得向來幽
獨處黃精未熟客
衣單

崑之勝有慧聚慧聚之勝有上方
自唐詩人及我前輩皆賦詩
遂名四方上方稍西數十步
曰西隱西隱乃無聞而境
趣特勝主人亦好事者
某居一歲無慮十許來
亦有好事者與余同來
來必飲飲必醉余之於
慧聚固有緣契而西隱

又所沉痾者也不知鄙名能若張祐輩
使人數百年不忘否與老師共勉之
隆興二年甲申閏月二十三日

草樹低迷愛晚晴
江天表裏玉潭清
平生心事無人會
慚愧滄波款乃聲

脚力窮時地更偏
瘦藤危石兩蒼然
山僧已識幽人意
借與禪牀自在眠
偶無公事獨凭欄
領畧風煙萬頃寬
說似西廊曾懋父
倩君椽筆寫郊寒

雪後遊華嚴寺

郭翼

快雪時晴西日微陰陰碧殿瑣林扉山中白雲
好留客枝上野梅寒拂衣經牀無風花自落瓊
田如海鶴爭飛諸郎授簡皆能賦况復東林此
會稀

崑山慧聚寺訢公西齋

盛或

或字季文崑山人當元時家甚富入國朝避徭徙家歸吳岡所居環

堵蕭然善為詩與楊維禎輩倡和所著有歸吳岡集

訢公讀書山水間西林書閣何曾關玉氣入簾
晴冉冉籍聲雜耳即珊珊仍覓龍洲舊遊處恰

似虎溪清嘯還借我煙霞最高處細食石髓聽
潺湲

慧聚寺

周南老

南老字正道其先温州人濂溪之後宋末徙吳中家焉國初時

徵詣太常議郊祀禮禮成發臨安居住放還卒

梁寺依山險疊構傳鬼役殿柱隨龍化遺基尚
神迹雲歸海氣昏石潤蘚花碧林壑生春陰鐘
魚鳴午寂僧房見山圍佳勝皆目擊獨有雷火
篆靈異人莫識

翠微閣

周鳳鳴

鳳鳴字于岐登正德進士官至大理寺丞以馮御史事忤旨免歸矜嚴好持名節罕入公府監司屢薦不報以疾卒于家

入夏猶春服開筵對石淙洞雲含霧雨壇樹結
旛幢地出金僊界天臨玉女牕倚酣簫吹發飛
棟俯三江

秋雨沉沉海霧蒸盤盤山路少人登真堪盡入
丹青裏不覺身安紫翠層勝地頻來終是客閒
情猶憾不如僧上方更在煙霞外欲向雲房試
寢興

崑山雜詠卷第四

崑山雜詠卷第五

游覽

東禪廊夜二絕

范成大

成大字至能一字幼元號石湖居士吳縣人

穎異在懷抱中已識屏間字年十二
徧讀經史父亡讀書崑山薦福寺十
年不出登紹興進士第授戶曹監累
遷吏部郎尋知處州陞對時政至州
多惠政為上所書之禮興中與金主再
講和失定受書進書學士侍讀國公充
議遣使假成大學士侍讀國公充
金祈請國信使進書學士侍讀國公充
節累官至資政殿學士加大立朝多奇
太平州封吳國公卒官至通議大夫
贈銀青少師追封崇國公謚文穆為

文瞻麗清逸尤工詩所著擊
轡錄虞衡志吳船錄吳郡志

淡雲如水霧如塵殘雪和霜凍瓦鱗織女無言
千古恨素娥有意十分春

一聲黃鵠夜深歸棲雀驚鳴觸殿扉北斗半垂
樓閣外風幡直欲上雲飛

夜步東寺之西

人家簾幙夜香飄燈火蕭疎照市橋滿院月明
春意好小樓吹笛近元宵

淮雲寺

趙孟頫孟頫字子昂號松雪道人吳興歸安人宋室宗子也博學工詩

尤精於書畫弱冠試補國子監注真州司戶參軍國亡家居以程鉅夫薦入元世祖甚寵異之授兵部郎中累遷翰林學士贈江浙行省平章政事封魏國公謚文敏

南雲三十里見者以為奇而况於淮雲遠被瀨
水湄其上聳樓觀丹碧何絢麗子孫有如雲咸
能事厥事老我作是詩刊之于樂石庶爾保令
名照映滄江色

南翔寺

寺在臨江鄉初寺基出片石方徑丈餘嘗有二白鶴飛集其上人以

為異僧齊法即建伽藍居焉施財者皆隨二鶴之飛翔所向而至久之鶴去不返僧號泣甚切忽於石上得一詩有南翔之句故遂名南翔今臨江

鄉宋嘉定中已
割隸嘉定縣

無名氏

白鶴南翔去不歸
惟留真蹟在名基
可憐後代空王子
不絕熏修享二時

報本寺

鄭東

東字季明平陽人性狷介州里不能容因來崑山又寓居海虞東奇

分絕人能讀四庫書就試不合即棄去刻意古作歐陽玄嘗薦之會病卒

迢遞珠林滄海邊
參差綠水石渠連
燈明方丈開猊座
屏擁呆愚護法筵
天女時來花亂下
龍君欲至風泠然
金相夜涼遙共禮
月華長照寶

階前

滿江紅崑山報國寺度雲海遷報慈

衛培

培字寧深崑山人文節公涇之曾孫延祐七年郡府以培充貢龍虎

榜賦文不起草人稱其有揚馬才知州王安聘為州學訓導號月山所著

有過耳集

雲海茫茫度多少
明師瞎漢彈指頃
言前新領天台禪
觀報國幾年橫拂
子報慈重舉新公
案想龍天擁出不由人
真難筭

塵中事如碁換座
下衲如雲滿看彼
迎此送去留相半
談妙九旬猶未了
靈山一會何曾散
聽

丹書催召演真乘龍墀畔

宿淮雲寺晚翠軒

張泰

泰字亨甫太倉人性豪宕讀書過目成誦有詩名天順間舉進士仕

至翰林修撰所著有滄洲集

翁鬱淮雲寺清幽晚翠軒細草覆寒砌修篁圍

短垣觸目便成趣寄身聊避喧高咏不知暮鐘

聲催掩門

澱山寺有龍湫限韻

陸容

容字文量太倉人其先冒徐氏後復姓登成化間進士授南吏部主

事改兵部職方遷郎中賈胡進師子奏乞大臣往迎容議夷人貢異物宜

卻之顧迎之邪事遂已又論馬政及禁絕中貴賈綠當道不悅出為浙江

右叅政竟以浮議罷官所著書數種今惟菽園雜記太倉水利集行于時

遠上湖南第一峯靜依禪榻看雲松偶談貝葉

書中事坐到闍梨飯後鐘佛印喜逢蘇老至昌

黎肯為太顛從蒼生已絕雲霓望漫向靈湫訪

卧龍

磧礪寺

移舟來看九峯青古寺幽沉試一經畫堵半顏

支碧殿殘碑欲斷倚朱櫺堦前老樹如僧臘海

上乘槎即使星極目湖天詩興遠片雲孤鶴過

華亭

宿巴城寺

沈周

周字啓南號石田長洲人善爲詩其畫山水花木翎毛皆入神品爲

國朝第一

渚田漠漠水程通落景蕭蕭野寺空佛坐粧嚴
苔借碧僧窓點綴葉留紅燈臨濁酒三更月棹
倚重湖疊浪風舊會故人今獨少相思一一不
眠中

四月初至崑宿廣慈僧寮辱西溪水部暨
理之晚顧且約明日山行因多事不及

水部詩有青山無奈去人忙之語遂奉
同以自解云

晚步崎嶇倩小航落潮粘底傍迴塘話陪清夜
惟三客飲過平生累十觴明日正憐重作別老
年自笑不冝忙青山又負登高屐且遣銅盤蠟
燭光

弘治己未二月二十三日偶寓廣慈菴西
溪吳先生三瓢周先生遠顧迫暮約爲
明日崑山之遊菴與山甚邇僅峙屋角
時王理之治具夜酌時時持燈照之迹

阻心遊乃有短篇以寄孤興且欲三君
子倚和遂留此紙於菴中以爲故事

山近不能登芙蓉隔夜燈胸惟藏壘塊詩欲寫
稜層寄賞還容酒爲鄰卻羨僧明朝如不去步
步與雲升

秋暑再會景德寺次韻二首

黃雲

飄然歸自大江西白苧衣輕已洗泥仍舊聿來
爲會合同心何必費招携風儀明遠須圖畫物
色從今縱品題白髮憂時懷老杜神馳直到浣

花溪

山城住近隔東西君濯清風我坐泥詩寫幽懷
垂韻和酒當暢飲滿壺携勞生自咲容顏改掃
壁重看歲月題願得年年身健在綠陰黃鳥共
臨溪

過聖像寺

到寺夜已半敲門驚定僧佛燈光炯炯月樹影
層層青失九峯望黃途多稼登竹牀暫假息一
過記吾曾

方豪

豪字思道餘姚人嘗爲崑山令爲
詩操筆立就晚益精研尤好士有

雜詩五
遺愛
馬

何年浮聖像像徒寺留名匹馬迎風去群僧冒
雨迎樓臺紅樹頂煙火綠葭浜一曲松風操蕭
然萬慮清

游薦嚴寺

吳瑞

此日來叅最上乘半天樓閣老堪登未如靈運
先成佛且學淵明暫近僧覺境自應無罣礙暮
年誰復羨飛騰極知禪供惟蔬筍預約厨人不
許增

遊西寺

踏雨尋名刹何妨巾舄泥佛燈然燭照琅笈破
羣迷秀巘矜臨郭流澌懶下溪老僧方入定落
日萬山西

次韻沈維時宿廣慈精舍

周恭

恭字寅之其先常熟南沙里人宣
德中徙家崑山元末時盛季文之

彌甥也為詩亦刻意追古作者與同
縣吳水部瑞黃學論應龍長洲沈周

友善家貧教授頗以醫藥自給然性
亢直不甚行于時嘗以詩酒藥貯瓢

中自號三歌居士孝宗升遐詔天
下郡縣纂修實錄恭尤叙事得體復

不應召鄉飲縣令高之親書鹿門二
字旌表其廬年七十四卒所著有枕

佳水五

流集及卜史增校醫史事親須知醫
說續編西溪叢語醫效日鈔七十二
候詩若干卷

灌木環精舍諸天佛日靈無香不種火有句謾
留屏蔭葡萄天花白椶櫚鬼面青虛空萬聲雨入
世酒初醒

東寺次韻

周鳳鳴

高樓一上俯千門海色嵐光晝吐吞接地峯巒
含雨氣倚天杉檜長雲根龜螭巔負穹碑夏龍
象鱗皴古殿存鴻鴈忽來秋思爽棹歌漁唱滿

江村

昆盧閣同諸公之作

入寺開層閣閒逢惠遠遊江形分燕尾山勢轉
牛頭野鴿飛復止秋蛩鳴不休群公興方愜那
得酒尊留

趙靈僧舍

寺唐大中時
建山在寺後

雙樹樓臺迴諸天洞壑幽松煙旛影亂花雨梵
聲浮卅里吾今到三江勢欲收茲山足登眺何
地更丹丘

車塘寺

野曠風逾勁天寒雀亂鳴放船依古寺歸路隔
江城落木村煙起飛樓夕照明坐深幽意愜空
外萬松聲

清真觀放生池

清真觀在會仙橋東即宋放生池也軌道七年建元

大德間燬延祐間重建嘉靖間復燬

蔡仍

放生池上開軒坐節氣如春屬仲冬閣近波光
凝翡翠山連雲氣浴芙蓉仙壇野鶴來巢子石
洞長松欲化龍剪燭賦詩清不寐又聽玄館送
晨鐘

與諸公會飲崑山放生池亭

趙彥端

初疑山遥遥不知日車來杖藜起衰病適此氛
翳屏北山喜覲面倒屣容不領謹然呼斷橋快
掃風柳影扁舟載幽具一面納倒景荷香已坐
足不待花破穎潛魚出銀刀盈月上金鉸琴閑
得新弄棊醉有新警長笛者誰與喧靜同一境
行歌帶亦適還坐燭初耿吾曹困重陰濕處混
蛙黽忽逢天宇寬况此星斗冷酒爲何翔傾大
勝汲寒井詩成西園句浩若轉修綆君看萬象

色回首森已暝吾觀豈異茲餅罄勿三請

放生池

盧蒲江

面面清池濶層層翠樹稠短蒲荷與嫩狹逕竹
能幽聽屐鳥飛起敲窓魚出遊城中那有此一
到一遲留

陳秀民

秀民字庶子元至正中為常熟令後為江浙等行中書省叅知

政事嘗撰崑山三皇廟碑

清真觀裏放生池想見芙蓉覆水時龍女踏雲
翻錦段鮫人錯翠織風漪香涵水檻三更月露

洗齋宮五色芝惆悵來游衆芳歇江山搖落為
題詩

偶桓

桓字武孟太倉人落魄不羈家于桃源涇日肆情詩酒洪武中嘗應舉為荆門州吏目年八十一終所著有江雨軒鳳臺醉吟吟嘯等集

殿閣峨峨轉夕暉放生池上客來稀應知羽士
登真去獨見山童汲澗歸雲冷松巢空鶴斃雨
荒丹竈長苔衣野人素有煙霞癖欲向玄關共
息機

郭翼

放生池館信竒哉面面芙蓉夾坐開戶外香煙

浮翡翠殿頭雲氣接蓬萊曾聞子晉吹笙過或
遇安期送棗來羽客步虛明月夜佩環鏘玉下
層臺

清真觀裏放生池殿閣陰陰白日移鶴迎上帝
僊遊駕龍護前朝御賜碑山勢欲連昆玉脚水
花如汎鑑湖枝因懷九十泉頭路老去重尋尚
有期

秦約約字文仲其先淮安人宋直龍圖閣龍之後始徙崇明再徙崑山約為文尚理尤工詩張潞公翦貢尚書師秦甚推重之元至德間為崇德教授洪武初應召試慎獨箴拜禮部侍郎以母老辭歸再徵詣京師上疏合

旨仍以儒官得深陽教諭八年乞老內授以有樵海集及師友話言樵歸所著孝節錄詩話舊聞崇明志史補遺

碧水池頭秋水深芙蓉萬柄翠生陰玄田種玉
俱成子琦樹開花已滿林道士步虛蒼玉佩僊
人吹笛水龍吟西堂風雨清無夢隔竹聲聞搗
藥禽

楊維禎

放生池上晚披襟五月涼風草樹陰玉井水寒
船作藕葛陂雨過杖成林雙雙共命煙中下瑟
瑟蜿蜒夜半吟道人當晝洗硯石自臨青李與

來禽

祝允明

允明字希哲長洲人以鄉薦入官累遷南京北通判為文力追

古作詩歌綺麗殆無乏思行書學鍾王草書學顏素真書能出顏米諸家為本朝第一性尤不羈其行事若慢世者

疑真疑幻海中洲只恐人間無此謀殿影四圍
浮碧沚鐘聲十里出丹樓僊人示像書仍在道
士無鵝字少求聖境今宵為旅客幸來何事不
微留

吳瑞

紅樓紫殿鬱參差虹架飛橋欲度疑字剩僊姿

玉皇閣水流餘響放生池天文懸象光衝斗地
氣鍾靈秀產芝千樹碧桃開未盡洞中誰把鳳
簫吹

清真觀災

周倫

仙壇煨燼出山門旦夕金鐘不復喧勾漏幾時
焚藥鼎武陵何處覓花村龍纏玉柱澄潭香鶴
起青霄獨院存忽憶吹簫鳴鳳地空臺止擬酌
瓊樽

崑山雜詠卷第五

崑山雜詠卷第六

游覽

黃姑廟

廟在縣東三十六里黃姑即河鼓相訛也云嘗有織女牽牛星降于此織女以金篦劃河水湧溢牽牛竟不得渡鄉人遂為立廟祀之所禱輒不應建炎中有范姓者避亂經祠下題一絕於壁間云云後遂去牽牛像止祀織女

范

中吳紀聞唯書范姓未詳其名

商飈初至月埋輪
 烏鵲橋邊綽約身
 聞道佳期唯一夕
 因何朝暮對斯人

又

高啓

農祭頻來水廟扉，銀河東去失星輝。
天孫秋夜應相憶，一去人間竟不歸。

周南老

黃姑與織女，皖彼河西東。
胡爲玉川側，靈姑于以降。
褰帷拜靈姑，宛然天女容。
黃姑即河鼓，誰能辨雌雄。
神亦不爲語，惟民之所從。
有禱輒斯應，歲歲祈年豐。

寓綽墩壽寧寺

袁華

栖禪穴畔好高樹，三靜境中皆白雲。
已繙瞿曇內外典，更禮茅家大小君。
北山何處境清絕，藤軒陰陰生晝寒。
明月飛來散清影，金沙布地爲君看。

壽寧菴夜宿

偶成綽山遊，西風吹落日。
大田登禾黍，高林收棗栗。
仰羨松柏姿，俯慚蒲柳質。
石縣王果崖，花雨維摩室。
白雪浮茗甌，縹囊散書帙。
撫事困誅求，拯時乏經述。
紛爭若螻螻，相持如蚌鷓。
可憐鷓鴣鼠，何異禪處虱。
郊居便樵蘇，野服忘巾櫛。

獨樂五畝園素封千樹橘被酌坐逃禪銘墓親
操筆夢幻前後身道悟中邊密劇談更抵掌展
席仍促膝煌煌斗迴杓耿耿月離畢水聲遠澎
湃竹影互蒙密清坐不知疲東方啓明出

十月廿日陪玉山過綽墩

相傳黃幡綽墓在此故名

陸麟

北山蘭若久不到蕩槩與君重遠尋水流亂入
澗壑響晝靜不聞鐘磬音齊已能詩今結社索
駝種樹又成林他時若許避炎暑願借南風一
席陰

杖藜同上北山巔此日登臨思惘然野色一林
紅葉外湖波萬頃白鷗邊村春戰哭雲連屋漁
笛夷歌月滿船歸棹忽忽到溪上人家燈火未
成眠

顧輝次

軒外重栽小銀杏願汝亭亭高十尋下看白鶴
走澗步上聽黃鸝啼好音結茅差擬辛夷塢供
佛當如蒼蘆林老我他時共幽隱坐占此山嘉
樹陰

喔喔鷄鳴桑樹顛江村風景只依然人行紅葉

黃花裏鴈過西風落日邊南市津頭無酒旆東
湖渡口有漁船北山巖壑秋偏靜借看蒲團枕
石眠

釋行蔚次

禪榻經餘思二妙舟楫遠勞相問尋虎頭善畫
稱絕筆放翁吟詩多雅音枇杷當戶花如雪橘
子帶霜香滿林招提歲晏肯頻過莫將清興阻
山陰

過綽墩

郭翼

綽墩樹色青如薺蕩裏張帆曉鏡開烏目峯高
雲北下白沙湖濶水西來菰蔣打雨鳴還止瀾
瀾迎船舞却迴好入桃源張渥畫舫慚揚馬是
僊才

綽墩

高啓

淳于魯解救齊城優孟還能念楚卿嗟爾只教
天子笑不言憂在祿兒兵

周南老

談諧多滑稽啓寵納慢侮笑取玉環歡拍案盲

胡舞天寶志欲滿侈心日益蠱宮車遠播遷魄
喪漁陽鼓胡為王門優有此一杯土遂令村之
民猶能三反語

滬瀆壘

晉虞潭所築
臨吳淞江

鄭元祐

元祐字明德遂昌人儼居吳市
工詩文與楊維禎袁華謝應芳

等倡和清麗暢逸為一時之雋晚節
益貧贖壻玉山道人買棺以贈賦詩
謝之邀華同賦
事載華耕學集

東吳內史晉長城滬瀆千年壁壘平莫向月明
悲往事即今滄海已塵生

烏夜村

初晉穆帝向皇后父淮寓此產后
之夕有羣烏夜驚於村落自後有

烏徹夜鳴
必有大赦

無名氏

荒村烏夜栖忽遶月明啼生得東家女身為萬
乘妻至今種高樹不遣烏飛去居人凡幾家愛
聽啼啞啞啼啞啞勿驚恠婦開門向烏拜

崑玉山南村祥光燭坤倪夜白奪明月羣烏忽

驚棲啞啞啼徹旦異此聲太奇村東何家婦夜
半生王姬焉知荆布女被服榮翟禕至今村上
民不重生男兒

月不 少卿墩

即千墩浦蓋淞江自吳門東下至浦南北凡有千墩故名求樂初

葉湜

太常少卿袁復嘗浚此浦泊舟墩下因改名少卿墩

少卿墩上望江湄畫舫多來此處維南峙鳳凰

山朶朶東連渤海水瀰瀰五丁端藉神功力萬

姓無愁墊溺時主聖臣良遭際日亘天盤地立

丕基

偶桓

少卿墩下水沄沄決濬重看禹蹟新笠澤西來

循古道海門東去接通津天低極浦鷗鳧晚雨

浥芳洲杜若春又聽滄浪歌孺子解纓好濯屬車塵

范能

能字仲能崑山人少從毗陵謝應芳遊精醫藥工詩求樂初以能書徵至郡母老辭歸太守從其志放還以詩酒自娛年八十餘終所著有淞

南集

少卿墩上瞰晴沙沉潦滔滔達海涯國有勲臣

勞贊畫民安生業及桑麻輕風吹浪牙檣動明

月浮空白練斜歸覲九重春正好紅香襯馬入

京華

連朴

少卿墩號喜新聞遠挹滄江連海門地脉潤分
南澗水山光晴接北崑雲芄芄禾黍高低龍藹
藹桑麻遠近村一自重臣經濟後芳名偉績鎮
長存

蒲壁

壁字執玉山東文登人嘗爲寧國訓導

朝陽晴照少卿墩幾度乘舟過海門三泖北來
如練淨兩江東逝若雷奔箕疇已見神龜畫禹
蹟猶存石斧痕千載玉峯同秀色台星長傍紫
微垣

少卿墩下告功成排瀾狂流勢已平片石豈能

鐫偉績千年猶得記芳名
泓流震澤今重定源
比黃河又一清
黎庶欣欣蒙潤澤
田間擊壤樂
春耕

倪元鎮過婁江寓舍因偕智愚隱遊姜公
墩得如字

謝應芳

應芳字子蘭武進人好古博雅長於詩歌元末避兵葑門年九

十七終所著有思賢錄辨惑編龜巢藁毗陵續志

秋暑賈餘勇懷抱方焚如故人江上來風雨與
之俱遂令沸羹鼎化爲寒露壺幽尋陟崇丘飄
飄素霞裾同遊得名緇吟嘯興不孤大樹倚高

蓋小酌歡有餘三江五湖上羣峯開畫圖獨憐
我鄉土煙塵尚模糊安知艱虞世得此暇日娛
一咲百慮忘松風奏笙竽

高墟山

俗傳高力士葬此

周恭

野田禾黍正油油蔓草寒煙暗古丘湖水北來
秋自潤縣山東下晚將浮未斜烏帽身先醉欲
插黃花鬢已羞地下果埋高力士玉環妖骨是
誰收

崑山雜詠卷第六

崑山雜詠卷第七

游覽

泛舟淞江

葉時亨

短棹夷猶落照間不堪凝望發愁端鴈行影沒
暮天濶蘋葉香殘秋水寒朝市觸塗成險棘風
波投足却輕安白鷗盟在客尋理急辦煙蓑與
釣竿

傀儡湖

秦約

晨起東湖陰放浪隨所之日光出林散霾翳晃
朗澄碧堆玻璃天風忽來棹謳發岸岸灣碕浴
鷺鴨中峯疊巘與雲連西墩嘉樹如成匝主人
湖上席更移醉歌小海和竹枝文魚跳波翠蛟
舞疑是憑夷張水嬉微生百年何草草傀儡湖
頭幾絕倒逝川一去無還期長嘯不知天地老
酒闌橫被復揚舲菖蒲洲渚花冥冥鷄皮鶴髮
謾從汝且讀楚騷招獨醒

陽城湖

袁華

海虞之南姑蘇東陽城湖水清浮空瀰漫巨浸
二百里勢與江漢同朝宗波濤掀簸月慘澹魚
龍起伏天晦蒙雨昏陰淵火夜燭下有物恠潛
幽宮度雉巴城水相接以城名湖胡不同想當
黃池會盟後夫差虎視中原雄東征諸夷耀威
武湖陰閱戰觀成功陵遷谷變天地老按圖何
地追遺蹤我來弔古重太息空亭落日多悲風
湖之陰有村曰夷亭吳王東征駐兵于此故名虎頭結樓傍湖住牕開
几席羅諸峯鳴鷄吠犬境幽閒嘉木良田青鬱
蔥漁郎莫是問津者僊源或與人間通時當端

陽天氣好故人久別欣相逢
玻璃萬頃泛舟入
俯覽一碧磨青銅
葦絲鱸膾雪縷碎
菱葉荷花
雲錦重恩賜終慚
鑑曲客水嬉不數
樊川翁酒
酣狂吟逸興發
白鷗驚起菰蒲中
相國井湮烽
火閭郎官水涸
旌旗紅此中樂土
可避世一舸
便逐陶朱公更呼
列缺鞭乖龍前驅
飛廉後豐
隆盡將湖水化霖
雨淨洗甲兵
訶歲豐同

舟泛吳淞江

盧熊 熊字公武其先武寧人宋季徙吳中再徙崑山有學行精於六書嘗受學楊維禎洪武初以能書授中書舍人轉交州知州政多遺愛熊嘗上

言州印篆文訛謬忤旨竟得罪所著說文字源章句鹿門隱書蓬蠲石門清溪等幽憂集別有蘇州志孔頴世系譜若干卷

早發木蘭橈江行趁落潮
雨分牛脊近雲隔馬
鞍遙弟妹成踈濶交朋
竟寂寥謾持昌歎酒那
得客愁消

過吳淞江

盧昭 昭字伯融閩人也隨父均華至崑山因家焉博貫經史工詩文洪武初起為揚州教授

客槎無路到天津
五斗依然不救貧
歛版進趨慙大吏
打門呼索愧窮民
酒邊拓落尋真趣
詩

裏平章作好春自咲小才還小用姓名安得上

麒麟

霜林纖月墮踈煙有客同舟思欲僊何處吳歌
聞白苧滿江秋色坐青天

與袁葛二兄泛舟至婁東

龔詡

風滿孤篷雨灑窓故人同載下婁江綠疇南北
連千畝白鳥高低去一雙濁酒任真那計數野
歌隨意不論腔紀行豈是無新作正媿曹鄴淺
陋邦

滄江八景

馬麐

麐字公振太倉人元季避兵於松
江之南園池亭榭幽閒自娛屏絕
世慮日誦經史長於詩歌楊維禎
深器重之所著醉漁草堂二集

西寺晚鐘

樓觀參差映落暉數聲敲罷客應歸山僧貪看
長松樹猶自哦詩坐翠微

古塘秋月

錢塘東去海潮生吳浦東來舟自橫十里金波
秋浩蕩流光直到闔閭城

半涇潮生

海潮商舶喜通津
撾鼓椎牛祀海神
風色趁潮波浪急
扁舟愁殺渡江人

淮雲雪霽

璚林珠樹絕氛埃
鸞鵠羣飛去復迴
望見淮南江上月
白雲深處有樓臺

婁江餉運

海波不動絕奔鯨
萬斛龍驤一葉輕
三月開洋春正好
南風十日到神京

岳麓晴煙

長林日出青山近
碧瓦朱甍切太霞
鬱鬱蒼松

環翠黛晴煙長遶
玉皇家

武陵市舍

溪頭不種桃花樹
商賈年年橋上多
昨日扁舟風雨過
無人肯着釣魚簑

吳浦帆歸

一帆風便出吳城
只怕沙頭風浪生
野鴨段邊初繫纜
西山日晚正潮平

玉山同泛婁江舟中即事

袁華

六月橫塘水漫沙
清明風起豆將花
憶同對榻

頻更燭喜共臨風得汎槎盃送白蓮狂客酒刀
分紅玉故侯瓜草堂佳處只尺許梧竹清陰生
晚霞

和韻

顧輝

夏潮平沒白鷗洲舶舫風生起浪花爲向船頭
置美酒恰如天上汎浮槎銀盤雪落千絲鱠玉
手水分五色瓜明日山中看踈雨共將詩句寄
丹霞

同敬常汎婁江

郭翼

春江一番游春艇澹沲青山東復東楊柳孤村
寒食雨流鶯百轉落花風卷題宮錦駝尼紫杯
汎僊桃枸杞紅鐵龍後夜來同聽擬借琴高赤
鯨公

陽城湖

陳則

四面水涵天相望百餘里鳥去飛不窮青天浸
波裏

九里涇

岸狹水長明帆經樹杪行路因通各浦不絕棹
歌聲

尚書浦即夏
駕浦

范能

尚書浦口匯成洪濬導還能繼禹功波影搖空
星拱北湍聲動地水流東耕鋤已復修農業灌
漑何煩借雨工從此不須憂墊溺謠歌千載仰
清風

又

蒲壁

尚書浦上曉風和兩岸人看綵鷁過西望蘇臺
山有色東連禹穴海無波九天日月星河近四
野桑麻雨露多千古大名垂宇宙空碑宜刻峴
山河

偶桓

尚書浦口濶滔天經濟憂勤在大賢功業已從
今日著書名當使後人傳五湖旣導逾三郡衆
水攸同走百川此去不愁征賦少洿渠已復變
桑田

郎官渡

又名八
王渡

蒲壁

郎官渡口說郎官能使居民奠枕安志在濟川
真可尚功歸導水自來難浸淫積潦通流淨澂
澈清光照眼寒我欲勒銘誇盛德便須刻石樹
江干

又

葉湜

郎官渡口浪如雷繫纜沙頭日幾迴拯溺昔聞
憂世志濟川今見出羣材已驅積潦歸滄海還
使春風發朽芟欲刻瓊瑤昭令德不知誰有紀

功才

偶桓

郎官渡口樹亭亭曾為郎官繫綵舲足練瑩連
三泖白聯螺晴漾九峯青風傳漁唱來前渚雪
壓鷗群下別汀老我猶存釣鼈手持竿從此欲
浮溟

范能

郎官渡口聽謳歌盡說郎官德政多山作馬鞍
橫玉阜江拖練帶落銀河萬夫疏鑿今重見千
古聲名久不磨從此熙熙民樂業天時地利日

相和

游澱山湖

陸容

千頃平湖一葉舟
清和風日可人游
九峯青擁晴雲出
一水光涵大地浮
泉石舊蹤尋野寺
煙霞餘癖寄芳洲
十年空負江湖樂
肉食慚無濟世謀

新洋江與方思道聯句

倪宗正

新洋江水清見底方新洋江上蘆花雨
舟人報


潮午倪旋把風帆舉
綵筵映江簫鼓聲方壯哉

萬里朝天行冠蓋如雲擁
蘋渚倪錦帆靄靄旌

旗明僚友各長跪方願儘雙玉瓶
以此有限酒

倪飲我無窮情方

崑山雜詠卷第七



周可順
唐尹刻



